

autel soubsterrain enrichy de peintures, & marbres orientaux sur lequel repose le corps de ladicte Sainte. Les tiltres des ss. Martyrs Valerian, Tyburce, & Maximin sont dans l'effigie d'argent qu'a faict faire ledict Cardinal, qui a douee l'Eglise de grans reuenuz, a laquelle aussy le Marquis de Vigliene a faict don d'un encensoir, & d'une lampe d'argent de grand prix.

S. Grisogone, est aussy de la le Tybre, & est vn monastere de Carmelitains, ou sont les stations le Lundy d'après le cinquiesme Dimanche de Quaresme; & les reliques qui s'ensuyuent. Vn bras de s. Jacques le Maieur, vne espaule de s. Andrè, la teste, & l'une des mains de s. Grisogone, du bois de la Sainte Croix, des cheueux de nostre Seigneur, vne coste de s. Estienne, & d'autres reliques de s. Sebastian, des ss. Cosme, & Damian, & de s. Iulian Martyr, de s. Pierre, de s. Paul, de s. Andrè, de s. Matthieu Apostre, de s. Vrbain Pape, de s. Laurens, de s. Prime, & Felician, de s. George, de s. Cecile, de s. Prisque, de s. Nimphe, de s. Denys, du Sepulchre de Nostre Seigneur, du mont Sion, & de la terre Sainte d'Hierusalem. Il y a mesmement sept autelz priuilegièz, comme a l'Eglise de s. Paul hors de Rome, & indulgence plenièr le iour de s. Grisogone. Ceste Eglise fut edifiee dès le fondement par le tresillustre Cardinal Iean da Crema l'annee 1129. par ce que elle auoit esté au parauant ruinee: les colonnes qui y sont, estoient au lieu que les Anciens appeloient Taberna meritoria.

On y a faict de nouueau vne tresbelle chapelle dediée a Nostre Dame du Mont Carmel, de ladicte Eglise est titulaire le tresillustre Cardinal Borghese.

S. Marie de la le Tybre, est situee au mesme endroiect ou estoit Taberna meritoria Transtyberina, ou anciennement le Senat alimentoit iusques a la fin de leur vie les Soldatz Romains, qui pour leur vieillesse ne pouuoient plus porter les armes. Et auprès du chœur la part, ou a present on voit deux petites fenestres, avec des barreaux de fer, la nuit, que Nostre Seigneur naquit surgeonna miraculeusement de terre vne fontaine d'huyle en tres grande abondance, laquelle tout vn iour coula avec vn grand ruisseau iusques au Tybre. en consideration duquel miracle Calistus I. y fit bastir vne petite Eglise, laquelle après estant ruinee fut refaict, & aggrandie, & depeinte par Gregoire III. les stations y sont le Ieudy d'après le second Dimanche de Quaresme, & l'octaue de l'Assumption de Nostre Dame les Indulgences de 25. mill'ans, & plenièr remission des pechèz la
font